

稼

軒

長

短

句

稼軒長短句卷之五

水龍吟

登建康賞心亭

楚天千里清秋，水隨天去，秋無際。遙岑遠  
日，獻愁供恨。玉簪螺髻。落日樓頭，斷鴻聲  
裏。江南游子，把吳鉤看了，欄干拍遍。無人  
會登臨意。休說鱸魚堪膾，儘西風季鷹  
歸未求田問舍，怕應羞見。劉郎才氣，可惜  
流年憂愁，風雨樹猶如此。情何人喚取，紅

三三〇  
榜如存書  
一  
中翠袖搵英雄淚

早辰歲壽韓南澗尚書

渡江天馬南來幾人真是經綸手長安父  
老新亭風景可憐依舊青甬諸人神州沉  
陸幾曾回首算平戎萬里功名本是真儒  
事公知否况有文章山斗對桐陰滿庭  
清晝當年墮地而今試看風雲奔走綠野  
風煙平泉草木東山敬酒待他年整頓乾  
坤事了為先生壽

次年南澗用前韻為僕壽僕與公  
生日相去一日再和以壽南澗

玉皇殿閣微涼看公重試薰風手高門畫  
戟桐陰聞道青青如舊蘭佩空芳蛾眉誰  
妬無言搔首甚年年却有時韓塞上人爭  
向公安否 金印明年如斗向中州錦衣  
行畫依然盛事貂蟬前後鳳麟飛走富貴  
浮雲我評軒冕不如極酒待送公痛飲八  
千餘歲伴莊椿壽

盤園任子巖安撫挂冠得請客以  
高風名其堂書來索詞為賦

斷崖千丈孤松挂冠更在松高處平生袖  
手故應休矣功名良苦笑指兒曹人間醉  
夢莫嗔驚汝問黃金餘幾旁人欲說田園  
計君推去嘆息薌林舊隱對先生竹窗松  
戶一花一草一觴一詠風流杖屨野馬塵  
埃扶搖下視蒼然如許恨當年九老圖中  
忘却畫盤園路

寄題京口范南伯知縣家文官花  
花先白次緋次紫唐會要載學士  
院有之

倚欄看碧成朱等閑褪了香袍衫上林高  
選匆匆又換紫雲衣潤幾許春風朝薰莫  
染為花忙損笈舊家桃李東塗西抹有多  
少淒涼恨 擬清流鸞說典記榮華易消  
難整人間得意千紅百紫轉頭春盡白髮  
憐君儒冠曾誤平生官冷算風流未減年

年醉裏把花枝問

題兩巖巖類今所畫觀音補陀巖  
中有泉飛出如風雨聲

補陀大士虛空翠巖誰記飛來度蜂房萬  
點似穿如碍玲瓏甯戶石髓千年已垂未  
落嶙峋冰柱有怒濤聲遠落花香在人疑  
是桃源跡 又說春雷鼻息是卧龍夢環  
如許不然應是洞庭張樂湘靈來去我意  
長松倒生陰壑細吟風雨竟茫茫未曉只

應白髮是開山祖

瓢泉

稼軒何必長貧放泉簷外瓊珠瀉樂天知  
命古來誰會行箴用舍人不堪憂一瓢自  
樂賢哉回也料當年曾問飯蔬飲水何為  
是栖栖者且對浮雲山上莫匆匆去流  
山下蒼顏照影故應零落輕裘肥馬遠齒  
冰霜滿懷芳乳先生飲罷笑挂瓢風樹一  
鳴渠碎問何如啞



用瓢泉韻戲陳仁和兼簡諸葛亮  
且督和詞

被公驚倒瓢泉倒流三峽詞源  
瀉長安紙貴統傳一字千金  
爭舍割肉懷歸先生自笑  
又何廉也但銜杯莫問人間  
豈有如孺子長貧者誰識稼軒  
心事似夙平舞雩之下回頭  
落日蒼茫萬里塵埃野馬更想  
隆中卧龍千尺高吟  
總磊傭何人與向雷鳴  
瓦釜甚黃鐘啞

用些語再題瓢泉歌以飲客彞韻  
甚諧客皆為之醕

聽兮清珮瓊瑤些明兮鏡秋毫些君魚去  
此流昏漲賦生蓬蒿些虜豹甘人渴而飲  
汝寧猱猱些大而流江海覆舟如兮君魚  
助狂濤些 跋險兮山高些塊予獨歎無  
聊些冬槽春盎歸來為我釀和醪些其外  
芳豔團龍片鳳羹雲膏些古人兮既往嘆  
予之樂樂箏篥些

過南劍雙溪樓

舉頭西北浮雲倚天萬里頃長劍人言此  
地夜深長見斗牛光焰我覺山高潭空水  
冷月明星澹待燃犀下看兜襴却怕風雷  
怒魚龍慘 峽束蒼江對起包危樓欲飛  
還歛元龍老矣不妨高臥水靈涼簟千古  
興亡百年悲笑一時登覽問何人又卸片  
帆沙岸繫斜陽纜

愛李延年款溲于髡語今為詞彙

幾高唐神女洛神賦之意云

昔時曾有佳人翩然絕世而獨立未論一  
顧傾城再顧又傾人國寧不知其傾城傾  
國佳人難再得看行雲行雨朝朝暮暮陽  
臺下襄王側 堂上更闌燭滅記主人留  
髡送客合尊侵坐羅襦襟解微聞薜澤常  
此之晴止乎禮義不淫其色但啜其泣矣  
啜其泣矣又何嗟及

別傅先之提舉時先之有台命

只愁風雨重陽思君不見令人老行期定  
否征車幾緡去程多少有客書來長安却  
早聲傳聞追詔問歸來何日君家舊事直  
須待為霖了從此蘭生蕙長吾誰與玩茲  
芳草自憐拙者功名相避去如飛鳥只有  
良朋東阡西陌安排似巧到如今巧處依  
前又拙把平生笑

又

老來曾識淵明夢中一見參差是覺未幽

恨停觴不御歆歌還止白髮西風折腰五  
斗不應堪此向北窗高臥東籬自醉應別  
有歸來意 須信此翁未死到如今凜然  
生氣吾儕心事古今長在高山流水富貴  
他年直饒未免也應無味甚東山何事當  
時也道為蒼生起

摸魚兒

淳熙己亥自湖北漕移湖南同官  
王正之置酒小山亭為賦

更能消幾番風雨匆匆春又歸去惜春長  
怕花開早何況落紅無數春且住見說道  
天涯芳草無歸路怨春不語算只有殷勤  
畫簷蛛網盡日惹飛絮長門事準擬佳  
期又誤蛾眉曾有人妬千金縱買相如賦  
脉脉此情誰訴君莫舞君不見玉環飛燕  
皆塵土閑愁最苦休去倚危欄斜陽正在  
煙柳斷腸處

觀潮上葉丞相

望飛來半空鷗鷺須臾動地鼙鼓截江組  
練驅山去鏖戰未收貔虎朝又暮悄慣淅  
吳兒不怕蛟龍怒川波平步看紅旂驚飛  
跳魚直上蹙踏浪花舞 憑誰問萬里長  
鯨吞吐人間兒戲千弩滔天力倦知何事  
白馬素車東去堪恨處人道是屬鏐怨憤  
終千古功名自誤謾教得陶朱五湖西子  
一舸弄煙雨

兩叢有石狀甚怪取龍騷九歌名



白山鬼因賦摸魚兒改名山鬼謠

問何年此山來此西風落日無語看君似  
是羲皇上真作太初名汝溪上醪箒只有  
紅塵不到今猶古一極誰攀筇我醉呼君  
崔嵬未起山鳥覆杯去須記取昨夜龍  
湫風雨門前石浪掀舞四更山鬼吹燈嘯  
驚倒世間兒女依約愛還向我清游杖屨  
公良苦神交心許待萬里携君鞭笞鸞鳳  
誦我遠游賦

石浪廣外巨石  
也長三十餘丈

西河

送錢仲耕自江西漕移守婺州  
西江水道似西江人淚無情却解送行人  
月明千里從今日日倚高樓傷心煙樹如  
薺會君難別君易草草不如人意十年  
着破縑衣茸種成桃李問君可是厭承明  
東方鼓吹千騎對梅花更清一醉看明  
年調鼎風味老病自憐憔悴近吾廬定有  
幽人相問歲晚淵明歸未未

永遇樂

送陳仁和自便東歸陳至上饒  
之一 年得子甚喜

紫陌長安看花年少無恨歌舞白髮憐君  
尋芳較晚卷地驚風雨問君知否鷓鴣聲  
酒不似井瓶身誤細思量悲歡夢裏覺來  
揔無尋處 芒鞋竹杖天教還了千古玉  
溪佳句落魄東歸風流贏得掌上明珠去  
起看清鏡南冠好在拂了舊時塵土向君

道雲霄萬里這回穩步

梅雪

徑底寒梅一枝雪裏直恁愁絕問評無言  
依稀似妬天上飛英白江山一夜瓊瑤萬  
頃此段如何妬得細看來凡流添得自家  
越樣標格 晚來樓上對花臨鏡學作半  
粧額着意爭妍那知却有人妬花顏色無  
情休問許多般事且自訪梅踏雪待行過  
溪橋夜半更邀素月

戲賦辛字送茂嘉十二弟赴調

烈日秋霜忠肝義膽千載家譜湯姓何年  
細參辛字一笑君聽取艱辛做就悲辛滋  
味總是辛酸辛苦更十分向人辛辣梅桂  
搗殘堪吐 世間應有芳甘濃美不到吾  
家門戶比着兒曹纍纍却有金印光垂組  
付君此事從今直上休憶對床夙雨但羸  
得鞞紋綉面記余戲語

檢校停雲新種松松戲作時歎作

親舊報書紙筆偶為大風吹去未  
章因及之

投老空山萬松手種政爾堪嘆何日成陰  
吾年有幾似見兒孫晚古來池館雲煙草  
棘長使後人悽斷想當年良辰已恨夜闌  
酒空人散 傳雲高處誰知老子萬事不  
關心眼夢覺東窗聊復爾耳起欲題書簡  
霎時風怒倒翻筆硯天也只教吾嬾又何  
事催詩急雨片雲斗暗

京口北固亭懷古

千古江山英雄無覓孫仲謀  
舞榭歌臺風流抱被雨打風吹去  
斜陽草樹尋常巷陌人道寄奴  
曾住想當年金戈鐵馬氣吞萬  
里如虎元嘉草草封狼居胥羸  
得倉皇北顧四十三年望中猶  
記烽火揚州路可堪回首佛  
狸祠下一片神鴉社鼓憑誰  
向鷹頭老矣尚能飯否

歸朝歎

靈山齋庵菖蒲港皆長松茂林  
獨野櫻花一株山上盛開照映  
可愛不數日風雨摧敗殆盡意  
有感因劾介庵體為賦且以菖  
蒲名之丙辰歲三月三日也

山下千林花太俗山上一枝看不足春風  
正在此花邊菖蒲自蘼清溪綠與花同草  
木間誰風雨飄零速莫悲歌夜深巖下驚  
動白雲宿病怯殘年頻自卜老愛遺篇



二四十二  
難細讀苦無妙手畫於菟人間雕刻真成  
鶴夢中人似玉覺來更憶腰如束許多愁  
問君有酒何不日綠竹

寄題三山鄭元英巢經樓樓之側  
有尚友齋欲借書者就齋中取讀  
書不借出

萬里康成西走蜀藥市船歸書滿屋有特  
光彩射星躔何人汗簡讎天祿好之寧有  
足請看良寶藏金玉記斯文千年未喪四

壁間絲竹 試問辛勤携一束何似牙籤  
三萬軸古來不作借人癡有用只就雲窗  
讀憶君清夢熟覺來笑我便便腹倚危樓  
人間誰舞掃地八風曲

題趙晉臣數文積翠巖

我笑共工緣底怒觸斷峩峩天一柱補天  
又笑女媧忙却將此石投用處野烟荒草  
路先生拄杖來看汝倚蒼苔摩挲試問千  
古幾風雨 長被兒童敲火苦時有牛羊

磨角去霍然千丈翠巖屏鏘然一滴甘泉  
乳結亭三四五會相暖熱携歌舞細思量  
古來寒士不過有時遇

丁卯歲寄題眉山李參政石林

見說岷峨千古雪都作岷峨山上石君家  
右史老泉公千金費盡勤收拾一堂真石  
室空庭更與添突兀記當時長編筆硯日  
日雲烟濕野老時逢山鬼泣誰夜持山  
去難覓有人依樣入明光玉階之下巖巖

五琅玕無數碧風流不數平原物欲重吟  
青蔥玉樹須倩子雲筆

一枝花

醉中戲作

千丈擎天手萬卷懸河口黃金腰下印大  
如斗更千騎弓刀揮霍遮前後百計千方  
久似鬪草兒童羸箇他家偏有 筭枉了  
雙眉長恁皺白髮空回首那時閑說向山  
中友看丘隴牛羊更辨賢愚否且自我花

柳怕有人來但只道今朝中酒

喜遷鶯

謝趙晉臣敷文賦芙蓉詞見壽用  
韻為謝

暑風涼月愛亭亭無數綠衣持節掩冉如  
羞參差似妬推出芙蓉花發步襯潘娘堪  
恨貌比六郎誰潔添白鷺晚晴時公子佳  
人並列休說寡木未當日靈均恨與君  
王別心阻媒勞交踈怨極恩不甚多輕絕

千古離騷文字芳至今猶未歇都休問但  
千杯快飲露荷翻葉

瑞鶴仙

壽上饒倅洪莘之時攝郡事且將  
赴漕舉

黃金堆到斗怎得似長年畫堂勸酒蛾眉  
最明秀向水沉煙裏兩行紅袖笙歌擁就  
爭說道明年時候被姮娥做了慇懃仙桂  
一枝入手  
知否風流別駕近日人呼文

三十三  
章太守天長地久歲上延翁壽記從來人  
道相門出相金印累累儘有但直須周公  
拜前魯公拜後

賦梅

鴈霜寒透幙正護月雲輕嫩冰猶薄溪奩  
照梳掠想含香弄粉艷粧難學玉肌瘦弱  
更重重龍銷襯着倚東風一笑嫣然轉盼  
萬花羞落 寂寞家山何在雪後園林水  
邊樓閣瑤池舊約鱗鴻更仗誰托粉蝶兒

只解尋桃覓柳開遍南枝未覺但傷心冷  
落黃昏數聲畫角

南劍雙溪樓

片帆何太急望一點須臾去天咫尺舟人  
好看客似三峽風濤嗟噫劔戟溪南溪北  
正遐想幽人泉石看漁樵指點危樓却羨  
舞筵歌席嘆息山林鍾鼎意倦情遷本  
無欣戚轉頭陳迹飛鳥外晚烟碧問誰憐  
舊日南樓老子最愛月明吹笛到而今撲



面黃塵欲歸未得

聲聲慢

滁州作真枕樓和李清宇韻

征埃成陣行客相逢都道幻出曾樓指點  
蒼牙高處浪涌雲浮今年太平萬里巖長  
淮千騎臨秋凭欄望有東南佳氣西北神  
州 千古懷嵩人去還笑我身在楚尾吳  
頭看取弓刀陌上車馬如流漫今賞心樂  
事剩安排酒令詩籌華胥夢願年年人似

舊游

嘲紅木犀

余兒時嘗入京師禁中  
凝碧池因書當時所見

開元盛日天上栽花月殿桂影重重十里  
芬芳一枝金粟玲瓏管絃凝碧地上記當  
時風月愁儂翠華遠但江南草木煙鎖深  
宮 只為天姿冷澹被西風醞釀徹骨香  
濃枉學丹蕉葉底偷染妖紅道人取次裝  
束是自家香底家風又怕是為淒涼長在  
醉中

送上饒黃倅秩滿赴調

東南形勝人物風流白頭見君恨晚便覺  
君家叔度去人未遠長憐士元驥足道直  
須別駕方展問箇裏待怎生銷殺曾中萬  
卷 况有星辰劔履是傳家合在玉皇香  
紫零落新詩我欠可人消遣留君再三不  
住便直饒萬家淚眼怎抵得這眉間黃色  
一點

隱括淵明停雲詩

停雲靄靄八表同昏盡日時雨濛濛搔首  
良朋門前平陸成江春醪湛湛獨撫恨彌  
襟閑飲東窗空延佇恨舟車南北欲往何  
從嘆息東園佳樹列初榮枝葉再競春  
風日月于征安得促席從客翩翩何處飛  
鳥息庭柯好語和同當年事問幾人親友  
似翁

稼軒長短句卷之六

八聲甘州

壽建康帥胡長文給事時方閱  
折紅梅之舞且有錫帶之寵

把江山好處付公來金陵帝王州想今年  
燕子依然認得王謝風流只用平時尊俎  
彈壓萬貔貅依舊鈞天夢玉殿東頭看  
取黃金橫帶是明年準擬丞相封侯有紅  
梅新唱香陣卷溫柔且畫堂通宵一醉待

送今更數八千秋公知否邦人香火夜半  
纔收

夜讀李廣傳不能寐因念晁楚  
老楊民瞻約同居山間戲用李  
廣事賦以寄之

故將軍飲器夜歸來長亭解雕鞍恨灞陵  
醉尉毋：未識桃李無言射虎山橫一騎  
裂石響驚弦落魄封侯事歲晚田園誰

向桑麻杜曲要短衣匹馬移住南山看風

流慷慨譚笑過殘年漢開邊功名萬里甚  
當時健者也曾閑紗窗外斜風細雨一陣  
輕寒

雨中花慢

登新樓有懷趙昌甫徐斯遠勃  
仲心吳子似揚民瞻

舊雨常來今雨不來佳人偃蹇誰留莘山  
中芋栗今歲全收貧賤交情落落古今吾  
道悠悠恠新來却見文反離騷詩發秦州

功名只道無之不樂那知有更堪憂怎  
奈向兒曹抵死喚不回頭石卧山前認席  
蟻喧床下聞牛為誰西望憑闌一餉却下  
層樓

吳子似見和再用韻為別

馬上三年醉帽吟鞍錦囊詩卷長留悵溪  
山舊管風月新收明使關河杳杳去應日  
月悠悠笑千篇索價未抵蒲桃五斗涼州  
傳雲老子有酒盈罇琴書端可銷憂渾



未解傾身一飽浙米牙頭心似傷弓寒鷹  
身如喘月吳牛曉天涼夜月明誰伴吹笛  
南樓

漢宮春

立春

春已歸來看美人頭上裊裊春幡無端風  
雨未肯收盡餘寒年時燕子料今宵夢到  
西園渾未辨黃柑薦酒更傳青韭堆盤  
却笑東風從此便薰梅染柳更沒些閑閑

時又來鏡裏轉  
變朱顏  
清愁不斷問何人  
會解連環  
生怕見花開  
花落朝來塞鴈先  
還

即事

行李溪頭有釣車  
茶具曲几團蒲  
兒童認得前  
度過者籃輿  
時時照影甚  
此身徧滿江湖  
悵野老行歌  
不住定堪  
堪語難呼

一自東籬搖落  
問淵明歲晚  
心賞何如梅  
花  
政自不惡  
曾有詩無  
知翁心酒  
待重教

蓮社人沽空帳望風流已矣江山特地愁  
予

會稽蓬萊閣懷古

秦望山頭看亂雲急雨倒立江湖不知雲  
者為雨雨者雲乎長空萬里被西風變滅  
須臾回首聽月明天籟人間萬竅號呼

誰向若耶溪上倩美人西去麋鹿姑蘇至  
今故國人望一舸歸歎歲云暮矣問何不  
鼓瑟吹竽君不見王亭謝館冷煙寒樹啼

鳥

會稽秋風亭觀雨

亭上秋風記去年  
嫋嫋曾到吾廬  
山河舉目雖異風景非殊  
功成者去覺團扇便與人疎  
吹不斷斜陽依舊茫茫  
禹跡都無

千古茂陵詞在甚  
風絲章句解擬相如  
只今木落江冷  
眇眇愁余  
故人書報莫因循  
忘却尊鱸誰念我  
新涼燈火一編太史公書

答李兼善提舉和章

心似孤僧更茂林脩竹山上精廬維摩定  
自非病誰遣文殊白頭自昔嘆相逢語密  
情踈傾蓋處論心一語只今還有公無  
竄喜陽春妙句被西風吹墮金玉鏗如夜  
乘歸夢江上父老衝子荻花深處喚兒童  
吹火烹鱸歸去也絕交何必更脩山巨源

書

答吳子似總幹和章

達則青雲便玉堂金馬窮則茅廬逍遙小  
大自適鵬鷃何殊君如星斗燦中天密密  
踈踈萋草外自憐螢火清光暫有還無  
千古季鷹猶在向松江道我問訊何如白  
頭愛山下去翁定嗔予人生謾爾宜食魚  
必贍之鱸還自笑君詩頓覺宵中篇卷藏  
書

滿庭芳

和洪丞相景伯韻

傾國無媒入宮見，  
如月光彩衆星稀。  
袖手高山流水聽，  
羣蛙鼓吹荒池。  
文章手直須補衮，  
藻火繁宗彝。  
癡兒公事了，  
吳蠶纏繞自吐餘絲。  
幸一枝粗穗三徑新治，  
且釣湖邊風月功名事。

欲使誰知都休問，  
英雄千古荒草沒殘碑。

和洪丞相景伯韻呈景廬內翰

急管哀絃長歌慢舞，  
連娟十樣宮眉不堪。  
紅紫風雨曉稀稀，  
惟有楊花飛絮依舊是。

萍蒲方池醪醖在青虬快剪插遍古銅彝  
誰將春色去鸞膠難覓絃斷朱絲恨牡  
丹多病也費豎治夢裏尋春不見空腸斷  
怎得春知休惆悵一觴一詠湏刻右軍碑

游豫章東湖再用韻

柳外尋春花邊得句怪公喜氣軒眉陽春  
白雪清唱古今稀曾是金臺舊客詔鳳凰  
獨遠天池揮毫罷天顏有喜催賜尚方彝  
公在詞掖嘗拜  
尚方寶彝之賜只今江遠上釣天夢覺清



泪如絲算除非痛把酒療花治明日五湖  
佳興扁舟去一筇誰知溪堂好且拚一醉  
倚杖讀新碑 堂記公所製

和章泉趙昌父

西崦斜陽東江漾水物華不為人留崢然  
一葉天下已知我屈指人間得意問誰是  
騎鶴揚州君知我從來雅興未老已滄洲  
無窮身外事百年能幾一醉都休恨見  
曹抵死謂我心憂況有溪山杖屨阮籍輩

須我未遊還堪笑  
棧心早覺海上有鷲  
六么令

用陸氏事送玉山令陸德隆侍親  
東歸吳中

酒羣花隊攀得短  
鞵折誰憐故山歸  
夢千里尊羹滑使  
整松一棹點檢能  
言鴨故人歡接醉  
懷霜橘墮地金圓  
醒時覺長喜  
劉郎馬上肯聽詩  
書說誰對林子風  
流直把曹劉壓更  
看君侯事業不負  
平生學離

觴愁怯送君歸後細寫茶經煮香雪

再用前韻

倒冠一笑華髮玉簪折陽關自來淒斷却  
怪歌聲滑放浪兒童歸舍莫惱比隣鴨水  
連山接着君歸興如醉中醒夢中覺江  
上吳儂問我一一煩君說尊酒頻空贖欠  
真珠壓手把漁竿未穩長向滄浪學問愁  
誰怯可堪楊柳先作東風蒲城雪

醉翁操

須余從范先之求觀家譜見其  
冠冕焯然世載勲德先之甚文  
而好脩意其昌未艾也省覃慶  
勲臣子孫無見仕者命官之先  
是屢詔甄錄元祐黨籍家合是  
二者先之應仕矣將告諸朝行  
宥日請余作詩以贈屬余避諱  
持此戒甚力不得如先之請  
又念先之與余遊八年日從事

詩酒間意相得歡甚於其別也  
何獨能超然顧先之長於楚詞  
而妙於琴輒擬醉翁操為之詞  
以叙別異時先之館組東歸僕  
當買羊沽酒先之為鼓一再行  
以為山中盛事云

長松之風如公肯余送山中心與吾兮  
誰同湛湛千里之江上有楓噫送子于  
望君之門兮九重女魚悅已誰適為容

不龜手藥或一朝兮取封昔與遊兮皆童  
我獨窮兮令翁一魚兮一龍勞心兮忡忡  
噫命與時逢子取之食兮萬鍾

醜奴兒近

博山道中效李易安體

千峰雲起驟雨一霎兒價更遠樹斜陽風  
景怎生圖畫青旗賣酒山那畔別有人家  
只消山水光中無事過這一夏 午醉醒  
時松窗竹戶萬千潇洒野鳥飛來又是一

般閑暇却怪白鷗覷着人欲下未下舊盟  
都在新來莫是別有說話

洞僊歌

壽景丞相

江頭父老說新來朝野都道今年太平也  
見朱顏綠鬢玉帶金魚相公是舊日中朝  
司馬遙知宣勸處東閣華燈別賜僊韶  
接元夜問天上幾多春只似人間但長見  
精神如畫好都取山河獻  
君王看父子

貂蟬玉象迎駕

紅梅

冰姿玉骨自是清涼  
此度濃粧為誰改  
向竹籬茅舍幾誤佳期  
招伊怪滿臉頰紅  
微帶壽陽粧  
鑑裏應是承恩纖手重勻  
異香在怕等閑春未到  
雪裏先開風涼照  
說典羣芳不解更揔做  
此人未識伊據品  
調難作杏花看待

訪泉於期思得周氏泉為賦



飛流萬壑共千巖爭秀孤負平生弄泉手  
嘆輕衫短帽幾許紅塵還自喜濯髮滄浪  
依舊 人生行樂耳身後虛名何似生前  
一杯酒便此地結吾廬待學淵明更手種  
門前五柳且歸去父老約重來問如此青  
山定重來否

浮石山莊余友月湖道人何同  
升之別墅也山類羅浮故以名  
同升嘗作遊山次序榜示余且

索詞為賦洞僊歌以遺之同并  
須遊羅浮遇一老人虎眉幅巾  
語同并云當有晚年之契蓋僊  
云

松闌桂嶺望青葱  
魚路費盡銀鉤榜佳處  
悵空山歲晚窈窕誰來須  
我着醉卧石樓風  
雨 僊人瓊海上握手當年笑許君  
携半山去  
劉疊嶂卷飛泉洞府淒涼又却怕  
先生多取怕夜來羅浮有時還  
好長把雲煙

再三遮住

開南溪初成賦

婆婆欲舞怪青山  
歡喜分得清溪半篙水  
記平沙鷗鷺落日漁樵  
湘江上風景依然如此  
東籬多種菊待學淵明  
酒興詩情不相似  
十里漲春波一棹歸來  
只做箇五湖范蠡是則  
是一般弄扁舟爭知道  
他家箇西子

趙晉臣和李能伯韻屬余同和

趙以兄弟有職名為寵詞中頗  
叙其盛故末章有裂土分茅之  
句

舊交貧賤太半成新貴冠蓋門前幾行李  
看匆匆西笑爭出山來漲誰問水草何如  
遠志悠悠今古事得喪乘除莫四朝三  
又何異任軒天事業冠古文章有幾箇笙  
歌晚歲况滿屋貂蟬未為榮記裂土分封  
是公家世

丁卯八月病中作

賢愚相去算其間能幾差以毫釐繆千里  
細思量義利舜跖之分孽孽者等是雞鳴  
而起味甘終易壞歲晚還知君子之交  
淡如水一餉聚飛蚊其響如雷深自覺昨  
非今是羨安樂窩中奉和湯更劇飲無過  
半醺而已

驀山溪

停雲竹逕初成

小橋流水欲下前溪去  
暖起故人來伴先  
生風煙杖屨行穿窈窕  
時歷小崎嶇斜帶  
水半遮山翠竹栽成路  
一尊遐想剩有  
淵明趣山上有停雲看  
山下濛濛細雨野  
花啼鳥不肯入詩來  
還一似笑翁詩自後  
安排處

趙昌父賦一丘一壑格律高古  
因傷其體

飯蔬飲水客莫嘲  
吾拙高處看浮雲  
一丘

壑中間甚樂功名妙手壯也不如人今老  
矣尚何堪堪釣前溪月 病來止酒辜負  
鸚鵡杓歲晚念平生待都與鄰翁細說人  
間萬事先覺者賢乎深雪裏一枝開春事  
梅先覺

鼎高樓

醉中有索四時歌為賦

長安道接老倦遊歸七十古來稀藕花雨  
濕前湖夜挂枝風澹小山時怎消除須殢

酒更吟詩也莫向竹邊辜負雪也莫向  
柳邊辜負月閑過了總成癡種花事業無  
人問惜花情緒只天知笑山中雲出早鳥  
歸遲

和楊民瞻席上用韻賦牡丹

西園買誰載萬金歸多病勝遊稀風斜畫  
燭天香夜涼生翠盞酒酣時待皇尋居士  
譜誦僊詩看黃底御袍元自貴看紅底  
狀元新得意如斗大笑花癡漢妃翠被嬌



無奈吳娃粉陣恨誰知但紛紛蜂蝶亂笑  
春遲

送丁懷忠教授入廣渠赴調都  
下久不得書或謂沒人辟置或  
謂徑歸閩中矣

相思苦君與我同心魚沒鴈沈沈是夢他  
松後追軒冕是化為鶴後去山林對西風  
直悵望到如今 待不飲奈何君有恨待  
痛飲奈何吾又病君起舞試重斟蒼梧雲

外湘妃泪鼻亭山下鷓鴣吟早歸來流水  
外有知音

慶洪景盧內翰七十

金閨老眉壽正如川七十且華筵樂天詩  
向香山囊杜陵酒債曲江邊問何如歌窈  
窕舞嬋娟 更十歲太公方出將又十歲  
武公方入相留盛事看明年直須看下添  
金印莫教頭上欠貂蟬向人間長富貴地  
行儻

聞前岡周氏族表有期

君聽取尺布尚堪縫斗粟也堪春人間朋  
友猶能合古來兄弟不相容棣華詩悲二  
林乎周公長歎息脊令原上急重歎息  
豈其煎正泣形則異氣應同周家五世將  
軍後前岡千載義居風看明朝丹鳳詔紫  
泥封

客肖敗碁者代賦梅

花知否花一似何郎又似沈東陽瘦稜稜

三  
日  
一  
年  
子  
元  
日  
一  
二  
地天然白冷清清地許多香笑東君還又  
向北枝忙 着一陣霎時間底雪更一箇  
缺些兒底月山下路水邊牆風流怕有人  
知廬影兒守定竹旁廂且饒他桃李趁少  
年場

用韻答趙晉臣敷文

花好處不趁綠衣郎縞袂立斜陽面皮兒  
上因誰白骨頭兒裏幾多香儘饒他心似  
鐵也須忙 甚喚得雪來白倒雪更喚得

月來香殺月誰立馬更窺牆將軍心渴山  
南畔相公調鼎般東廟成高才經濟地戰  
爭場

名了

吾衰矣須富貴何時富貴是危機  
豐忘設醜抽身去未曾得未棄官歸  
穆先生陶縣令是吾師  
待葺箇園兒名佚老更作箇  
亭兒名亦好閑飲酒醉吟詩  
千年田撥八百主  
一人口插幾張匙  
便休休更說甚是

三  
非

上西平

會稽秋風亭觀雪

九衢中杯逐馬帶隨車問誰解愛惜瓊華  
何如竹外靜聽窸窣行沙自憐是海山  
頭種玉人家 紛如鬪嬌如舞才整整又  
斜斜要圖畫還我漁蓑涼吟應笑羔兒無  
分謾煎茶起來極日向彌茫數盡歸鴉

送杜升高

恨如新新恨了又重新看天上多少浮雲  
江南好景落花時節又逢君夜來風雨春  
歸似欲留人樽如海人如玉詩如錦筆  
如神能幾字盡殷勤江天日莫何時重與  
細論文綠楊陰裏聽陽關門掩黃昏